

KLAEMET SAVE




Klaemet Buletin blo Fisheris

Hemia wan buletin we Vanuatu Meteorology mo Geo-Hazards Department I mekem, blong givim lukluk blong solwota mo klaemet kondisen blong wan manis, we I inpoten long fisheris sekta, blong helpem ol pipol blong plan gud.

LUKLUK IA I BLONG MANIS FEBRUARY 2026





**La Niña istap yet, be
pawa blong hem istap
go daon**

Wanem nao La Niña?

Taem La Niña hemi stap, Vanuatu hemi save kasem plante ren bitim nomol. Hemi save mekem plante ren blo fiu manis kasem wan yia.

Wanem I kosem La Niña?

La Niña hemi hapen taem win blong solwota ova long Pasifik Osen (tred wins) i kam strong moa. Ol win ia I pusum hot solwota I kam klosap long Vanuatu. Taem solwota I hot, hemi mekem moa klaod. Ol klaod ia nao oli mekem moa ren I foldaon, mo ren I save gohed longtaem.

Hao nao hem i afektem solwota mo fishing long Vanuatu?

Taem La Niña hemi stap, ol strong win oli save mixim gud solwota, stat long sefes kasem botom blong solwota. Hemia I save pulum kakae blong fis ikam klosap long rif, mo fishing I save gud sam taem.

Long nara lukluk, ren we I gohed longtaem I save I pulum toti wota long land igo long solwota. Hemia I save afektem rif mo sam fis, mo I save mekem fis I posen taem man I kakae.

Long open solwota, La Niña i save mekem win i strong mo solwota i raf. Hem i save helpem kakae blong fis i mix gud long solwota, be samtaem hemi no sef blong smol bot. From hemia, ol fisherman oli mas lukaot gud long weta mo fokas blong solwota.


KLAEMET SAVE



Sea surface temperature forecast for February 2026

Base period: 1981-2018
Model: ACCESS-S2

Model run: 24/01/2026
Issued: 26/01/2026



-- EEZ border V11 (Flanders Marine Institute, 2019).

Wanem nao Sea Surface Temperature (SST)?

Sea Surface Temperature (SST) hemi tempreja blong solwota antap long sefes. SST i impoten tumas from hem i save afektem klaod, ren, win, mo marine laef olsem fis mo koral.

Wanem lukluk blong SST kondisen blong Vanuatu long Februeri 2026?

Lukluk blong SST blong manis Februeri 2026 i soem se solwota raon long Vanuatu bae i hot lelebet bitim nomol, klosap long 29–30°C.

Hao hot solwota i afektem fishing?

Hot solwota i save jenisim ples we fis i stap. Sam fis i save stap klosap long sefes o muv i go long ples we kakae blong olketa i stap.

Tebol bilou I soem tempreja blong solwota we ol difren fis oli laekem. Blong kasem moa infomesen long wanem fis i laekem wanem tempraja, plis kontaken Lokal Fisheries Department blong yu.

Common name	Species	All occurrences (°C)	Abundant occurrences (°C)
Skipjack	Katsuwonus pelamis	17-30	20-29
Yellow fin	Thunnus albacares	18-31	20-30
Bigeye	T.obesus	11-29	13-27
Albacore	T. alalunga	13-25	15-21
Southern	Bluefin T.maccoyii	10.5-21	17-20


KLAEMET SAVE



Marine heatwave category forecast for February 2026

Data source: ACCESS-S2
Base period: 1981-2018

Model Run: 18/01/2026
Issued: 20/01/2026



Wanem nao Marine Heatwave (MHW)?

Marine Heatwave hem i taem we solwota i stap hot bitim nomol blong plante dei o wik, i no jes wan dei nomo. Hem i minim se solwota i stap hot longtaem, mo hem i save putum presha long ol fis, koral, mo narafala marine laef.


Wanem nao lukluk blong Marine Heatwave kondisen blong Vanuatu long Februeri 2026?

Lukluk blong Marine Heatwave blong Februeri 2026 i soem se plante pat blong solwota raon long Vanuatu bae i stap long 'Moderate' Marine Heatwave kondisen.

Hemia I minim se I save gat smol stres long marine laef olsem fis mo koral. Sam fis I save jenisim ples, be ino luk olsem bae igat bigfala impak long marine laef.



Vanuatu
4 Week Coral Bleaching Outlook: 9 February 2026



Wanem nao Coral Bleaching?

Coral bleaching hem i hapen taem solwota i stap hot bitim normal blong samtaem, mekem koral i kam stres mo lusum kala blong hem. Taem hemia i hapen, koral i no ded kwik, be hem i kam wik mo i had blong gro sapos hot solwota i gohed.

Wanem nao lukluk blong Coral Bleaching kondisen blong Vanuatu long Februeri 2026?

Lukluk blong 4-wik Coral Bleaching Outlook blong 9 Februeri 2026 i soem se plante pat blong solwota raon long Vanuatu i stap long Watch go kasem Warning level. Hemia i minim se koral i stap filim smol stres, be i no stap long strong o sivia (severe) bleaching kondisen.


Wanem mining blong hem long solwota mo fishing?

Taem koral i filim stres, sam fis i save jenisim ples we olketa i stap. Long kondisen olsem naoia, solwota mo marine laef i stap yet long sef level, be i impoten blong kontiniu long lukaot long fokas blong SST mo Marine Heatwave long ol manis we i stap kam.

KLAEMET SAVE



Vanuatu
Monthly Chlorophyll: 1 December 2025



© Pacific Community (SPC) 2025

NASA

Wanem nao Chlorophyll?


Chlorophyll hemi green kala we i stap insaed long plankton (ol smol organism long solwota we fis i kakae). Plankton i yusum kala ia blong tekem laet blong san mo mekem kakae blong hem. Fis i no kakae chlorophyll stret, be fis i kakae plankton mo narafala marine laef we plankton i sapotem. From hemia, yumi yusum Chlorophyll olsem wan saen blong soem wea ples long solwota igat plante kakae blong fish.

Wanem nao leites kondisen blong Chlorophyll long Vanuatu?

Las chlorophyll data i soem se plankton i stap yet raon long Vanuatu, be level blong hem i defren long difren ples, we i save jenisim ples we fis i stap.

From hemia, fis i save kam moa klosap long ples we chlorophyll i hae moa, from kakae blong olketa i stap plante long olketa ples ia.

KLAEMET SAVE



Wanem ia Sea Level?

Sea Level hemi mak blong haet blong solwota (solwota i hae o i low). Hemi impoten long fisheries sekta from taem solwota i jenisim haet blong hem, hem i save jenisim solwota current, ples we kakae blong fis i stap, mo ples we fis i muv i go. Sea level i save afektem tu fishing long rif, lagoon, mo open solwota.

Wanem lukluk blong Sea Level blong manis Februari 2026?

Lukluk blong Sea Level blong Februari 2026 i soem se plante pat blong solwota raon long Vanuatu bae i stap klosap long nomol, be sam ples long saot i save stap lelebet daon long nomol. I no luk olsem bae i gat bigfala sea level rise o extreme sea level long manis ia.

Hao nao Sea Level outlook bae i afektem Fisheries sekta long neks manis?

From sea level i stap klosap long nomol, fishing kondisen bae i stap stret nomo. I no luk olsem bae i gat bigfala disrapsen long fishing. Be long sam ples we solwota i lelebet daon, sam fis i save muv i go dip moa o i go long narafala ples, mekem i impoten blong ol fisherman i lukaot gud long solwota kondisen mo planem fishing gud.



Infomesen blong Taed (Februari 2026)		
Ples	Highest Tide (Date, Time)	Lowest Tide (Date, Time)
Luganville	1.89m (Feb 1, 4:18 PM)	0.14m (Feb 1, 11:10 PM)
Litzlitz	1.76m (Feb 1, 4:15 PM)	0.15m (Feb 1, 11:11 PM)
Port Vila	1.57m (Feb 2, 5:49 PM)	0.18m (Feb 1, 11:58 PM)
Lenakel	1.53m (Feb 1, 4:59 PM)	0.14m (Feb 3, 12:48 AM)

INFOMESEN BLONG MUN (FEBRUARI 2026)



Full Moon |
2 FEBRUARI



First Quarter |
9 FEBRUARI



New Moon |
17 FEBRUARI



Last Quarter |
24 FEBRUARI

KLAEMET SAVE


**Taem yumi save gud
klaemet mo solwota,
yumi save planem
gud ol fising aktiviti
blong yumi.**



+678-24686



WWW.VMGD.GOV.VU



VMGD, NAMBATU, PORT VILA